

饒州府志卷之三十三

人物志十三

方技

叙曰樸散而爲道道散而爲術方技者亦道之餘緒乎道統陰陽談形勢者于是乎出醫卜可裨民用術也而道亦寓焉後人群託于術而術多弗驗因取其神于藝者收之方技

吳景鸞字仲祥德興人漢長沙王芮裔孫祖法旺精天文地理之學自以爲未造其蘊聞華山陳搏洞徹秘奧遣

饒州府志

卷之三十三

方技

一

子克誠往師事之得其肯綮一日搏命之歸曰汝子仙才能紹業盡以青囊書授克誠克誠子卽景鸞也聰慧過人得其書精究有驗慶曆辛巳詔選精陰陽者郡縣舉景鸞至京入對稱旨授司天監正未幾因論牛頭山山陵章奏過直有坤風側射厄當國母離宮坎水直流禍應至尊下殿之語上不悅下獄尋以帝晏駕遇赦後徽欽二聖北狩卒如其言又進中餘圖不報知時不可遂狎狂髡髮修真于天門西岸白雲山洞常往來饒信二州數處同日皆有景鸞跡治平初一日忽以遺書付

其女沐浴更衣端坐而逝所著有理氣心印吳公解義  
傳伯通德興人與鄉仲容同師廖金精金精之學得之吳  
景鸞宋南遷伯通拜詔往相臨安表畧曰顧此三吳之  
會實爲百粵之衝錢氏以之開數世之基郭璞占之有  
興王之運天目雙峰屹立乎牛斗之上海門一點橫當  
乎翌軫之間又云文曲多山俗尚虛浮而詐少微積水  
士無實行而貪雖云自昔稱雄實乃形局兩弱只宜爲  
一方之巨鎮不可作百禩之京畿駐驛僅足偏安建都  
難奄九有表上乃陞杭州爲臨安府而稱行在宋室竟

饒州府志

卷之三十三

方技

二

以偏安

鄒寬字仲容與傅伯通同師廖金精得其肯綮爲汪伯彥  
卜地塋親乃借堪輿家論貽書以動之末云方今幽燕  
未歸版籍朝廷有意恢弘儻值此時揚師振旅當勿計  
名位高卑昌言于朝奮力請進必立希世功名若叅之  
他見微有更改妄觸一機百開俱廢汪是其言而不能  
用丁未拜相鄒術果奇而書中之議竟托空言

梁饒德興人元季時精堪輿術一日過樂平大汾潭遇雪  
時歲暮渡者李翁止宿飲至酣大呼曰世上何人能識

我今日時師後代仙翁爲懇求吉地梁卽指示穴處乃  
曰貴從武功來禍後福始應葬數年李以罪戍定遠產  
黔寧王英明太祖育之軍中賜以國姓復賜姓沐追封  
其三代皆爲王梁術大驗

張愷鄱陽人良醫季民孫善療竒疾有女子阿欠兩臂直  
上不能下諸醫莫治愷令其母解女子裙襦坐寢室乃  
楊言醫入女忽擲手下掩體舉動遂如故又一小兒坐  
高處懸跌于地瞳人倒視見房舍皆翻覆愷令有力者  
將小兒顛倒數次其視卽順凡疾非藥石可療者愷不

饒州府志

卷之三十三

方技

三

執方脉以意治之無不立愈

王克明樂平人生而乏乳以粥餌得活因中脾胃疾醫調  
不効克明讀難經素問自以意處藥遂瘳宿病游江淮  
入蘓湖常千里赴人之急魏公安行妻病風痿胡公秉  
彝妻內秘皆一施鍼劑而瘳廬守王安道中風禁不語  
他醫望而去克明曰此非湯劑可及燒地灑藥畀安道  
其上須臾而蘓金使黑鹿谷過姑蘓患傷寒垂死部使  
者請克明治之二日愈由是名聞北方嘗從張子蓋救  
海州戰士大疫所全活幾萬人子蓋欲上其功辭不受

又從呂公正己使金其接伴使被危疾服其藥有間厚于謝不肯領以狀還國信所蓋不專以技爲活也惟精診脈有難知者必沉思得之不肯多用藥曰此病之本本除而病自去嘗試禮部累官至翰林醫痊國史葉水心後自樂徙居雪川

楊賁亨鄱陽人博羣書精脈理每心計造方有患饑者諸醫以火症治亨久思之未得頃見堂上木橈自仆乃爲濕氣所蒸致朽忽悟水能消物不獨屬火此濕消耳投熱劑而愈又有顯者障目性燥日憂切益不瘳亨給曰

饒州府志

卷之三十三

方技

四

目可計日痊第懼毒發于股又日撫其股憂之後目忽瘳而股亦無恙蓋誘其心火下降耳術大名

楊文德樂平萬全鄉人攻醫精內經大素脈明初徵請太醫院洪武戊寅乞歸田里明祖御書種德二字賜之舟抵饒城醫者劉宗玉延之文德爲講岐黃心法以太素授之紫極宮道士朱姓者疾文德診之曰不數劑愈朱以銀飲器謝之文德却再三方受中途長嘯時琮玉子烈因問其嘯之故文德曰徒受其惠明年春肝木旺脾土受尅至期果死黃復昌疾文德診之曰一劑卽瘥官

貴胠旺秋當入仕尋以當路薦授丹陽令餘皆類此所  
著有太素胠訣一卷

高道 者不知何許人得長桑君禁方當明初挾技遊銀  
陽一日值柩于途諮之乃孕婦喪也道者驗其遺衣血  
曰此猶未死啟棺視之一鍼遂甦俗驚傳以爲道者能  
起死人也以比秦越人今傳其小兒方術無不驗者

程世光鄱陽人明良醫專小兒科憲王誕長子初出胎不  
知吮乳曰難產傷氣持人參煎湯灌半匙卽吮又舟工  
生子胞而無皮取土數升糝其體卽成肌有胎婦兒腹

饒州府志

卷之三十三

方技

五

啼皆不治乃傾豆于地令婦低首拾之兒啼止其醫多  
以意出弗拘方書神効如此

孫卓三浮梁北鄉人精岐黃明正德間故藩覓醫于縣王  
嚴里人欲傾卓三舉以應迫而行藥輒應手得太效獲  
寵愛厚精聲名大起其思理多在意表邑令以宸濠之  
變先輿送其夫人避山中病前秘五日腹膨如鼓仰面  
張目息已微急召卓三卓三曰此盛暑急驅飲水過度  
羞溺而胞轉也法以猪尿胞吹氣貫滿令女婢投入衝  
之而溺淋淋下遂起新安富室有男子淋溺不止者漸

痿黃諸醫束手卓三醫之亦弗効偶隱几坐以手戲弄水灌後孔塞則前竅止開則通爲腦後一穴灸火三壯立愈

項世賢樂平人名嗣宗以字行幼警悟師事德興彭伯宗洞明岐黃內境之說遇異人授以子午八法用針之旨不資丸散沉痾宿疾應針而起人以爲神邑有昇舊床過其門者賢止之遂命針于朶針中出一療蟲殺之又之廣信有患蘧篠不伸者賢針之獲平施惠于人至老不衰

饒州府志

卷之三十三

方技

六

蔡天奇浮梁諸生工醫醫從素問本草精以深思勝亦不屑屑赴人之召人有危病問天奇天奇輒問他醫診狀或取其方曾減一二而奇中嘗示諸醫曰人有重病則我亦病病窮日夜之思僅可得起一人汝輩慎之天奇不受謝其行誼又足多云

元操貴持浮梁人也字子敬官教授卜筮多奇中耻以術名故不傳

蔡福緣鄱陽人少補郡學生早失怙以母疾不復肄儒去學康節大定數有問窮達筭無不驗能博覽強記諸書

至老誦一字不遺

閔觀精梅花數又能以人事占有人倚傘于桑間母病觀曰五人扶喪不治矣歸果然隣有出而占酒食者觀曰得食有雉無首鄰果有留飲者久而曰汝雉可出主人驚曰果烹雉以無首不獻也乃出焉因告之數共嗟嘆久之

吳豹邑諸生善占數嘗有雀鬪而占曰吾兒墜棲矣歸果然會疾革曰死後吾妻當適一官而無祿者後果適范姓者爲義官

饒州府志

卷之三十三

方技

七

查克中浮梁人善皇極數每筮有竒驗一日其妻翁爲治酒曰能筮之乎克中筮之皆中其精妙多類此

吳從善鄱陽人本道士善相法郡守甯公弟貌相肖初令假衣冠坐廨中試之從善揖而不拜曰此非四品骨衆皆失笑見稅課呂銘曰官當至二千石後果擢刑部郎出知西安府見鄱主簿孫縉曰公本鸞鳳豈終枳棘之棲後官遷至山西按察僉事言無不驗人又呼爲聾道士

西渚子鄱陽人不知姓名或謂其本學孝廉以卜隱遇物

起數甚驗有姓某儀賓持象牙笏問曰簪笏之貴却緣  
骨肉後優人亦以簪往曰雖近簪纓柰體輕微居鄙久  
著名尋遊四方各變名號以顯其術

宋富子春

善推占嘉熙丙申客饒語人曰此州將出宰相然

未見其人他日自饒還池州又曰胡爲宰相聲復在此  
方驚咤不自決值國忌行香提舉段震午而下羣集報  
恩寺富春往候焉一見池教馬公廷鸞驚曰此其人矣  
後果驗距公拜相二十年前知之

明童毛

鄱陽人容貌鄙俚衣藍縷每匿術託爲傭其相法一

饒州府志

卷之三十三

方技

八

目輒辨卜則吉凶無爽永樂壬辰常以事逮至棠陰巡  
檢夏斌俾占其子亨往鄉歸期童曰子已溺水逾午獲  
山豚重百餘觔果然縣吏聶文政役滿問童童曰未有  
衙門可安落百日外得矣文政到京三閱月卒

洪魁八樂平人世業岐黃幼得異授精于太素脈八法神  
針邑人黎澄葉瑞當未遇時以疾延其診視輒預定其  
科第與歷任地方卒之時日斷休咎死生百不失一年  
八十餘無疾而坐化蓋神于醫者時莫得而匹云

徐善繼徐善述德興人初補邑庠生以親喪未厝遂究心



堪輿之學因得國師吳景鸞遺書于天門白雲洞遂深  
明其奧指示陰陽休咎輒應馳聲于閩越間遷縣治易  
學基士大夫莫不欽其慧識焉所著有人子須知徐文  
貞公序其書以惠世

仙

叙曰道家爲諸子神仙爲方伎本分途也後世合而一之  
近于誣矣然而遐舉之士饒亦代有傳人晉書藝術傳  
至遺旌陽而載伯遼豈王之視許爲更優歟若乃鐵笛  
了元異衲亦復不乏豈山川靈秀別有所鍾不必拘拘

饒州府志

卷之三十三

方伎

九

以儒理律耶

漢吳丹酈邑人生時母爲所苦投諸白水河三日不死復  
養之遂名白水甫十一歲母死居墓側五年哭聲振林  
木後游羅浮青城諸山得異人傳煉服術曹操召拜左  
奉駕郎不就遊終南山得篆文十六字曰孝哉吳丹卓  
行異人以番而鳳致道之所遂遊番至餘干宿老嫗家  
知其爲吳鳳岡遂結茅居之吳猛許遜張氲葛洪郭璞  
每歲過之猛以師事焉晉義熙戊申年百有七十諸徒  
送之南嶺而去

晉葛稚川名洪丹陽句容人宋咸和間丞相王導辟爲散騎常侍不就乃求爲勾漏令取丹砂修煉昇平間至鄱陽東鄙萬山中卽今德興縣妙元觀見山川清竒委蛇環聚類龜鶴之形乃開山結寰鑿井煉丹嘗自叙云戢勁翻于鸞鳳之郡藏逸足于跛騾之伍黎藿有八珎之甘蓬華有藻稅之樂號抱朴子不知所終通志

晉王遙字伯遼治病不事符水針藥但用八尺布帕敷地令瞑目坐上卽愈若有邪魅盡地爲獄叩石呼之其物自見或爲狐蛇之類乃斬而焚之常佩雌雄二劍分陰

陽日揮之時外境疫厲甚盛唯騰空噓氣指示方隅遂止居常一竹篋長數尺未嘗開忽一夕大雨晦冥使弟子錢永以九節杖擔篋出行衣皆不濕前有炬火引導將三十里許登一小山八石室中有謝稚堅繫陽子二仙在遙旣至開篋出古竹簧三枚自鼓一枚以二枚與二仙竝鼓良久辭去三簧仍納篋中使永擔之二仙出送語遙曰卿當早來無久住俗間遙答云早晚來也還家百日許天復雨遙夜燃火治裝先有葛单衣及葛巾已五十餘年未嘗着取着之棄妻獨擔篋而去越三十

餘年弟子又見遙在番馬跡山壇觀中煉丹于元康二  
年暮春白日飛昇

晉東陽名曉遠婺州人遊訪江湖會稚川于天台拜爲師  
從至番東山中 廢帝聞稚川名召之不赴乃令東陽  
朝見試以仙術東陽吐丹一顆進上金光炫目帝不能  
取咽之勅賜明真先生

張氲洪崖鄉人有道術西晉時居洪崖山煉丹服食五百  
歲或云卽果老好飲酒嘗賦詩去歲無田種今年乏酒  
材從教花鳥笑佯醉卧樓臺後入豫章西山煉丹天寶

饒州府志

卷之三十三

仙

十一

未忽大霧尸解

左燮建業清溪巷人齊梁間慕吳丹吳鳳岡因徙居焉時  
人爲作道院曰清溪觀年百有八歲卒

五代虞九霞名景高青城人師事葛仙翁樂道自如終日  
無一言能神通變化募衆建妙元觀值歲旱梁武帝召  
令祈禱雷電風雨立至上悅賜坐命召鶴須臾羣鶴翔  
集賜號通神先生

徐公逸其名修真于德興之雙溪龍潭側潭深莫測旁有  
巨石公常坐卧石上今坐履跡存歲久貌不改常如四

五十歲人妻亦如之一日忽告衆同妻入潭有龍接之  
乘龍以入歲早遠近祈禱者有蛇虺浮上請去輒雨投  
疏入水有誤字卽泛出不納宣德間孫清簡公需往遊  
作詩詰之云塵世仙家兩隔離遙瞻白鶴舞東西月明  
瑶草光浮洞春暖麝花香滿溪兩字功名垂竹帛千年  
履跡印苔磯不知羽化何年代致使凡人心自迷投入  
潭頃之有詩浮出云五代興亾正亂離新安一瓜到江  
西家君樂道居汾水大叔傳芳住栢溪猶子宦遊黃菊  
徑老夫垂釣綠楊磯自從背母朝元後春復秋還天地

饒州府志

卷之三十三

仙

十二

迷

唐鄭全福幼不茹葷文宗時入浮梁東近婺源界之靈巖  
洞修煉後徙居薄葉洞遊菴花溪有老人乘鐵船全福  
曰願借船還人家老人曰後三年復來時已百餘歲語  
門人曰死必葬我浮梁白水鄉全福有一白鹿甚馴鹿  
去不還全福尋之不獲而逝及舉棺輕甚發之惟杖履  
而已

果仙不詳姓名久住饒衣帶皆綴雜果不停嚼人因號曰  
果仙城南杜君平鬻果每招與之不索值一日仙詣杜

曰予有佳果幾樹足償君携行由芝山陰紆回十餘里望見紅鮮滿野隔一澗澗峻深不可渡杜懼弗肯行仙微哂君無緣矣一別而渡煙霞四生寂無人嚮杜循跡歸越旬始達家已歷十餘年乃知仙遊也驚悔莫及亦從方外去後不知所終

宋張樸字君範德興人仙傳稱紫瓊真人張根張樸其兄也根樸俱廡仕而君範獨志恬退聞太虛真人寓安仁熙春宮往求道太虛弗納已而適市見樸施丐者錢數千文乃曰可教次年復會真州始授以大道火候之秘

饒州府志

卷之三十三

仙

十三

君範修之成道復授之同邑趙緣督乃隱去不知所終

見金丹正理羣真傳

鄒希衍鄒源人爲元明觀道士宋天聖間遇吳人張台符授以丹術四十年不置枕席年九十化爲辭曰戊亥重逢曰乾坤透迥時幻身今已脫明日有丹梯後三年有人見在西蜀又三年有道士寄書與冠服至元明觀謝之書曰客歲辱相過也其徒驚訝開幕視之已尸解

翁程者古聖峯二道人不知何名世傳翁安樂鄉人程習泰鄉人學道甚猛宋南渡後歲旱二道人上峯嶺祈雨

五日不應遂裸體曬日色中又五日不應遂自絕食又不應于是積薪厝火二道人坐其上焚死念佛口不絕聲雨大澍數百里鄉人感之立祠峯嶺

宋趙子甄安仁人幼出家至道宮不慕勢力勤修煉得九轉還丹之術壽九十餘卒塋冲虛山後越三年有邑人遇于西川寄觀中道友詩云泰川雖脫已三迴明月清風任去來寄語冲虛諸道友芒鞋竹杖不須埋啟塚視之果空棺人以爲尸解云

江山道者修真宋時棲止浮梁之西鄉江山後建爲萬壽

饒州府志

卷之三十三

仙

十四

寺金君卿有記龍池至今遠近禱雨卽應

浮梁西山觀有汪真人墓真人名一雷有道術邑人盧捨宅爲觀居之觀傍有地一片屬李姓李吝其地弗施真人夜以虎懼之其人求真人襪遂捨地臨化自題像云吾年七十七幾雨幾番風撒手清虛上一輪明月中後有發其墓者中止履一隻其徒程洞清能呼風叱雨飛渡設橋役使鬼神救人疾困墓在隴源傳爲仙塚

安仁連可久居至道宮父鰲以儒名好結交道友與熊曲肱遊幼時父引見熊曲肱令作魚舟調調成曲肱謂其

神仙中人至長居至道宮學道落魄嗜酒能詩人以爲  
得仙術將化咬指在盤面書作偈云立化也不好坐化  
也不好惟曲肱而枕之便是蓬萊三島書訖血蹟染穿  
盤下

萬直臣字道同號元隱德興南鄉人性穎敏精通陰陽百  
家幼不娶修真于德興妙元觀觀有井舊傳葛稚川丹  
井井中常有紫氣冲騰人以爲毒不敢汲直臣浚井異  
去其毒及底見氣從砂顆中出卽取吞之曰寧使吾一  
人當其毒砂顆實葛仙遺丹直臣吞後舉動異常一日

饒州府志

卷之三十三

仙

十五

水漲流大木于歲寒溪直臣跳躍其上隨洪濤去莫知  
所之數年後兄信臣客無爲州忽見之引兄入山中茅  
舍留宿及別遺兄一囊曰明歲大歉持此歸可濟一鄉  
兄携至樂平明溪開視之糠也怒播于溪抵家告母母  
探囊底猶有存者視之良金也往索之遂得金鄉人稱  
爲淘金灘云觀中師病目直臣一日忽至爲舐之光如  
初師驚異直臣化清風去壁間留詩云往往來來數百  
秋幻泡重作故人遊紫泥白雪尋常事何苦人間詠不

休見  
類編 仙史

元趙緣督德興人不知何名世因其自號稱緣督先生宋宗室子少習天官遁甲諸書欲以事功奮一日于芝山酒肆中逢丈夫修眉方瞳索酒酣飲相與談論因出囊中丹書授之臨別問姓名曰我扶風石得之也石得之者世傳杏林仙人云自是浪遊東南海山註周易數萬言時未有知者惟學士傅文懿公立獨稱以爲發前人所未言嘗乘青驪往來饒信衢婺間人不見其有所齎乃旅費未嘗乏絕所止多在壠丘蕭然一室學士宋濂誠意伯劉基咸與之遊洪武初一日坐化莫知年壽養

饒州府志

卷之三十三

仙

十六

子范及門人具塋于龍遊鷄鳴山後有于本邑白鶴觀見之者或曰尸解仙去所著書皆散逸惟高弟廬陵陳上陽得其仙佛同源盟天錄諸編著金丹正理傳于世龍游朱輝德明者亦久從遊得星曆學革象新書二卷而輝遂以占天名家宋潛溪王文忠許讚岳諸公皆有革象新書序見龍游縣志鄱志載或曰敬字子恭世莫能詳元安仁李時茂字誠仙居至道宮其貌苒然清瘦鬢鬆髮鶴形相氣亦浩然有閉縱陰陽之術善役使鬼神致風雪雷雨不失期州縣咸尊敬之鄉人稱爲李神仙



殷尚實法名晁暘號上清紫暉散人生于至德丙午卒于  
洪武甲戌羽化安仁長城鄉人李誠仙弟子得驅風致  
雨披雲告斗及諸祈禱術秘訣後遊錢塘登吳山演法  
得遇翠微真人授以紫霞真人復本篇及修煉丹訣有  
集虛詞并詩數十卷

張絃安仁人居至道宮亦李誠仙弟子得秘訣能閉蹤  
陰陽呼召風雨爲人救災驅崇及諸祈禱六十餘年隨  
禱輒應臨終自嘆處世八十五年平生符水隨緣今日  
空空歸去乘雲馭氣登天言訖而逝

饒州府志

卷之三十三

仙

十七

吳全節安仁壽櫟村人未生時有泉出于屋東楹礎潤夜  
瑞藹上騰乃產靈芝光彩不渝未幾全節生幼穎博洽  
古今亦慕方外之術年十三學道于龍虎山得張人秘  
法祈禱輒應至元中從張留孫至京師見世祖其後成  
宗召見授元教嗣師贈封其祖父母父母復進元教太  
宗師元德真人全節雅好結士大夫推轂善類惟恐不  
盡其力至于賑窮調乏未嘗以恩怨異心當時翰院名  
公各有賡和以詩名于世卒年八十二賜葬祭賜號閒  
閒父克己封饒國公見一統志所著有仙壇記至明嘉

靖有邵元節入紀遺

明王子風不知其名又呼爲李風子成化間行乞于市不言

笑人飲以酒輒拍手歌唱得飯食訖餘以碎衣裹之累大小數十結雖盛暑無腐穢氣冬大雪嘗裸浴于贛州湖寒暑饑飽顏色無異一夕卒于鳳池橋後三年邑人夏禮官武定州訓導遇之常與之履仍在足後不知所終

尹蓬頭不知何代人自言曾見宋太祖入汴時常爲南京神樂觀道士身或如火如冰雪中流汗大暑時煨爐不

饒州府志

卷之三十三

仙

十八

可測其事績甚廣耳談頗具正德末居番晏公祠有茶僧樊嫗時餽禮之一日寢其樓樊僕入城南遇之見懷四麵果分其一回登樓尹方覺袖猶存麵果三焉鄱陽陳璜官南部時約同官十餘輩試其異共日俱召齋俱至後入華州爲邏者收獄尹遁去

卓小仙或曰蜀人善畫好吟咏舉止異常自言姓卓人呼爲小仙嘉靖間寓番士大夫喜與之遊時飲連盞吞復吐出或納片石于口須臾成銀與人郡守傲待之小仙微笑屏左右附耳語守卽有失■坐賓永豐王召小仙

書其屏曰披衣兼跣足開口笑王侯千年渾是醉一世  
不梳頭言人禍福事後輒驗一日辰刻別衆去人有遇  
之萬年城下者後莫知所在

明法仙浮梁明溪朱姓人生嘉靖<sub>巳辛</sub>在胎及乳母不受葷

四歲偶逢大龍山一僧便稱師隨出家大龍山屢屢預  
占未來人已神之十四歲終先言終之月日囑火化死  
後頗顯神江湖間救人屢尋跡來謝又鄉村禱幽輒  
應至今香火本山爲明法真仙焉

釋

饒州府志

卷之三十三

釋

十九

袁州蒙山道明禪師鄱陽人陳宣帝之裔也國亾落于民  
間以其王孫嘗受署因有將軍之號少于永昌寺出家  
慕道頗切往依五祖法會極意研尋初無解悟及聞五  
祖密付衣鉢與盧行者卽率同志數十人躡跡追逐至  
大庾嶺師最先見餘輩未及盧見師奔至卽擲衣鉢于  
盤石曰此衣表信可力爭耶任君將去師遂舉之如山  
不動踟躕悚慄乃曰我來求法非爲衣也願行者開示  
于我盧曰不思善不思惡正恁麼時阿那個是明上坐  
本來面目師當下大悟徧體汗流泣禮數拜問曰上來

密語密意外還更別有意旨否盧曰我今與汝說者卽非密也汝若返照自己面目密却在汝邊師曰某甲雖在黃梅隨衆實未省自己面目今蒙指授人處如人飲水冷煖自知今行者卽是某甲師也盧曰汝若如是則吾與汝同師黃梅善自護持師又問某甲向後宜往何所盧曰逢袁可止遇蒙卽居師禮謝遽回嶺下謂衆人曰向陟崔嵬遠望杳無踪跡當別道尋之皆以爲然師旣回遂獨往廬山布水臺經三載後始往袁州蒙山大唱元化初名惠明以避六祖上字故名道明弟子等盡

饒州府志

卷之三十三

釋

二十

遣過嶺南叅禮六祖

曹晞明州人餘干黃蘗寺僧有戒行世稱曹禪師梁天監中自弋陽圭峯至黃蘗結茅山中山有塢石晞坐石上五十年歲旱一日山下老嫗笑曰禾稿矣晞令嫗折樹葉插嫗田中明日水滿由是乞雨者日至

慈濟禪師自閩中別師遠遊師戒曰逢寶卽住遇應則止行抵一山名寶應遂止焉因往來鄱陽督軍湖常與虎偕行號伏虎禪師乃于湖北築舍爲別院以居後不知所終

鄱陽堯山和尚僧問如何是西來意師曰仲冬嚴寒問如何是和尚深深處師曰待汝舌頭落地卽向汝道問如何是丈六金身師曰判官斷案相公改長慶問從上宗乘此間如何言論師曰有願不負先聖慶曰不負先聖作麼生師曰不露慶曰恁麼則諸師領話師曰甚麼處去來慶曰祇守甚麼處去來

西峯禪師好吹鐵笛番妙果有塔高十七丈西峯登塔吹笛風雨驟至俗傳其名曰沙彌試者謂其爲西峯禪師西峯遊行必與一烏犬俱一日至白湖山以錫枚插地

饒州府志

卷之三十三

釋

二十一

俟犬遂成井

道英禪師薦福僧也僧問佛未出世時如何師曰琉璃瓶貯花曰出世後如何師曰瑪瑙鉢盛果曰未審和尚今日是同是別師曰趯倒瓶拽倒鉢上堂據道而論語也不得默也不得值饒語默兩忘亦沒交涉何故句中無露意在句中無意無不意非計較之所及若是劈頭點一點頂門豁然眼開者于此却有疾速分若低頭向意根下尋思卒摸索不着是知萬法無根欲窮者錯一源絕迹欲返者迷看他古佛光明先德風彩一一從無欲

無依中發現或時孤峻峭拔竟不可構或時含容混會  
了無所覩終不椿定一處亦不繫係兩頭無是無不是  
無非無不非得亦無所得失亦無所失不曾隔越纖毫  
不曾移易縣髮明明古路不屬元微覲面擎來瞥然便  
過不居正位豈落邪途不蹈大方那趨小徑騰騰兀兀  
何住何爲回首不逢觸目無對一念普觀廓然空寂此  
之宗要千聖不傳直下了知當處超越是知赤灑灑處  
恁麼卽易明歷歷處恁麼還難不用沾黏點染直須剝  
脫屏除若是本分手腳放去無收不來底一一放光現

瑞一一削跡絕踪機上了不停語中無可露徹底攪不  
渾通身樸不碎且道畢竟是個甚麼得恁麼靈通得恁  
麼奇持得恁麼堅確諸行者休要識渠面目不用安渠  
名字亦莫覓渠所在何故渠無所在渠無名字渠無面  
孔纔起一念追求如微塵許便隔十生五生更擬管帶  
思惟益見紛紛業雜不如長時放教自由自在要發便  
發要住便住卽天然非天然卽如如非如如卽湛寂非  
湛寂卽敗壞非敗壞無生戀無死畏無佛求無魔佈不  
與菩提會不與煩惱俱不受一法不嫌一法無在無不

在非離非不離若能如是見得釋迦自釋迦達磨自達磨于我甚麼捩恁麼說話衲僧門下推勘將來布裙苾靱不免撩他些些泥水豈况汝等諸人更道這個是平實語句這個是差別門庭這個是關捩巴鼻這個是道眼根塵遞相教習如七家村裏傳口令相似有甚交涉無事珍重

用言和尚寶倫尊者竝天台山壽昌寺僧宋天聖二年至番止永寧寺造石塔浚地下及三十餘尺築基二級上壘七層屹立三十丈塔成日出一藥方名脾積丸授寺

饒州府志

卷之三十三

釋

二十三

僧囑曰其藥甚効留此爲塔中燈油費耳言訖去遂失蹤跡

薦福常菴擇崇禪師寧國府人上堂主僧問古德生死到來如何免得德曰柴鳴竹爆驚人耳僧曰不會德曰家犬聲獐夜不休師曰諸人要會麼柴鳴竹爆驚人耳大洋海底紅塵起家犬聲獐不夜休陸地行船三萬里堅牢地神笑阿阿須彌山王眼覷鼻把手東行却向西南山聲應北山裏千手大翡開眼看無量慈悲是誰底良久曰頭長脚短少喜多嗔上堂問侍者曰還記得昨日

因緣麼日記不得復顧大衆曰還記得麼衆無對豎起拂子曰還記得麼良久曰也忘却了也三處不成一亦非有諸人不會方言露柱且莫開口以拂子擊禪床下坐

承古禪師住饒州薦福操行高潔稟性虛明叅大光敬元禪師乃曰祇是箇草裏漢遂叅福嚴雅和尚又曰祇是箇脫洒衲僧由是終日默然深究先德洪規一日覽雪門語忽然發悟自此韜藏不求名聞棲止雲居弘覺禪師塔所四方學者奔湊因稱古塔主也景祐四年范公

饒州府志

卷之三十三

釋

二十四

仲淹出守鄱陽聞師道德請居薦福開闡宗風僧問大善知識將何爲人師曰莫曰恁麼則有問有答去也師曰莫問青青翠竹盡是真如鬱鬱黃花無非般若如何是般若師曰黃泉無老少曰春來草自青師曰聲名不朽曰若無者碧眼胡僧也鄒睂師曰退後三步僧曰苦師乃吽吽問臨濟舉拂學人舉拳是同是別師曰訛言亂衆曰恁麼則依令而行也師曰天涯海角問一喝分賓主照用一時行此意如何師曰乾柴濕茭僧便喝師曰紅燄炎天上堂夫出家者爲無爲法無爲法中無利



益無功德近來出家人貪著福慧與道全乖若爲福慧須至明心若要達道無汝用心處所以常勸諸人莫學佛法但自休心利根者畫時解脫鈍根者或三五年遠不過十年若不悟去老僧與你入拔舌地獄參范仲淹作郡時極重之曾在寺追薦母云

鄱陽紹曇家世爲醫幼以母命使學佛其始旬日一歸省母曰汝不堪苦寂耶旣而數月一歸母復曰吾非以汝兄弟多遣汝佛之言性吾深慕之欲汝得其道以告我不猶愈滲漚之奉乎于是卽日別去求名師往學餘二

十年思無以歸白母曰母不待而沒雖歸又何以藉口見鄉黨也遂不返又嘗從佛鑑禪師于徑山掌其記端慤有文充稱桑門宗教云

薦福退菴休禪師上堂風動邪幡動邪風鳴邪鈴鳴邪非風鈴鳴非風幡動此土與西天一隊黑漆桶誑惑世間人看看滅胡種山僧不柰何趁後也打闕瓠子曲彎彎冬瓜直籠侗上堂結夏時左眼半斤解夏時右眼八兩謾云九十日安居贏得一肚皮妄想直饒七穴八穿未免山僧拄杖雖然如是千鈞之弩不爲麤鼠而發機上

堂先師尋常用腦後一鎚卸却學者胸中許多屈曲當年克賓維那曾中興化此毒往往天下叢林喚作超宗異目非惟孤負興化亦乃克賓受辱若是臨濟兒孫終不依草附木資福喜見同叅今日傾腸倒腹遂卓拄杖喝一喝曰還知先師落處麼伎死禪和如麻似粟上堂言發非聲是個甚麼色前不物莫亂針錐透過禹門風雷更險咄

鄱陽崇福德基禪師上堂若于這裏會得便能入一佛國坐一道場水鳥樹林共談斯要樓臺殿閣同演真乘續

饒州府志

卷之三十三

釋

二十六

千聖不盡之燈照八面無私之燄所以道在天同天在人同人還有知音者麼良久曰水底金烏天上日眼中瞳子面前人

薦福悟本禪師江州人也自江西雲門叅侍妙喜至泉南小溪于時英俊畢集受印可者多矣師私謂其棄己且欲發去妙喜知而語之曰汝但專意叅究如有所得不待開口吾已識也既而有聞師入室者故謂師曰本侍者叅禪許多年逐日只道得箇不會師詬之曰這小兒你未生時我已三度霍山廟裏退牙了好教你知由是

益銳志以狗子無佛性話舉無字而提撕一夕將三鼓倚殿柱昏寐間不覺無字出口吻忽爾頓悟後日妙喜歸自郡城師趨丈室足纔越闥未及吐詞妙喜曰本鬚子這回方是徹頭也住後土堂高揖釋迦不拜彌勒者與三十拄杖何故爲他祇會步步登高不會從空放下東家牽犁西家拽耙者與三十拄杖何故爲他祇會從空放下不會步步登高山僧恁麼道還有過也無衆中莫有點檢得出者麼若點檢得出須彌南畔把手共行若點檢不出布袋裏老鷓雖活如死上堂釋迦掩室于

摩竭淨名杜自于毘耶須菩提唱無說而顯道釋梵絕視聽而雨華大衆這一隊不啣溜漢無端將祖父田園私地結契各據四至界分方圓長短一時花擘了也致今後代兒孫千載之下上無片瓦蓋頭下無卓錫之地博山當時若見十字路頭掘箇無底深坑喚來一時理却免見遁相鈍置何謂如此不見道家肥生孝子國霸有謀臣上堂乾闥婆王曾奏樂山河大地皆作舞爭如跛脚老雪門解道臘月二十五博山今日有條攀條無條攀例也要應箇時節驀拈拄杖橫按漆上作撫琴勢

云還有聞絃賞音者麼良久云直饒便作鳳凰鳴畢竟有誰知指法卓一下下坐

衢州靈曜寺僧誓良佛慈禪師饒州吳氏子清獻趙公命開法于越州福果衢州超化海會靈曜四刹僧問三變禪林四回出世于和尚分上成得甚麼邊事師曰鉢盂口向天曰三十年來關捩子而今流落五湖傳師曰那箇是山僧關捩子曰一言超影象不墜古人風師曰惜取睂毛上堂不知時分之延促不知日月之大小灰頭土面且與麼過山僧每遇月朔持地鬪釘家風抑揚問

饒州府志

卷之三十三

釋

二十八

答一場笑具雖然如是因風撒土借水獻花有箇葛藤露布與諸人共相解摘看驀拈拄杖擊香臺曰叅堂去慶元府育王法達寶鑑禪師饒州余氏子僧問不落階級處請師道師曰蠟人向火曰畢竟如何師曰簿處先穿了元佛印禪師字覺老浮梁林氏子誕生之時祥光上燭鬚髮瓜齒宛然具體孩孺語合經史閭里稱曰神童幼出家寶積寺禮沙門日用爲師試法華受具遊廬山謂開先暹禪師暹稱賞之再謁圓通禪師補書記注江州承天爲開先之嗣又遊淮之斗方廬山之歸宗潤之

金山焦山袁州之大仰住雲居四十年神宗賜高麗庠  
衲金鉢以旌師德僧問如何是佛印曰木頭雕不就曰  
恁麼則皆是虛妄也師曰梵音深遠令人樂聞問大修  
行人還入地獄無師曰在裏許曰大作業人還上天堂  
也無師曰鰕跳不出斗曰恁麼則鑊湯爐炭吹教滅劔  
樹刀山喝使摧師曰自作自受師一日與學徒入室適  
東坡居士到師曰此間無坐榻坡曰暫借佛印四大爲  
坐榻師曰山僧有一問居士若道得卽請坐道不得卽  
輸腰下玉帶居士欣然便請師曰祇如山僧四大本無

饒州府志

卷之三十三

釋

二十九

五蘊非有居士向甚麼處坐坡不能答遂畱玉帶師却  
贈以雲山衲衣乃作偈曰百千燈作一燈光盡是恒沙  
紗法王是故東坡不敢惜借君四大作禪床病骨難堪  
玉帶圍鈍根仍落箭鋒機會當乞食歌姬院奪得雲山  
舊衲衣此帶閱人如傳舍流傳到我亦悠哉錦袍錯落  
猶相稱乞與佯狂者不回元符元年正月四日談話別

衆一笑而化

浮志元在襦不茹葷二歲得記諸家詩  
三千餘篇及長爲儒流滑稽多智因讀釋

氏書而悟遂從釋曰寶積寺主僧命樵薪而了元乃運木倚

門中主僧呵之對曰出家正求如此既而出遊四方與

蘓軾善會飲必說相諧戲宋之神曰君素大喜釋教在蓋入觀盛內  
修設道場演經說法軾戲宋之神曰君素大喜釋教在蓋入觀盛內

不事得已而信之既入頗上適見一杭志了魁元偉在襁披云了正元  
求不如此蓋示以間字也坡世黃山其談廢滑稽謔舊東坡亦眇惠  
瞻州爲相耳致書如云白駒過隙三才五十年之功名富貴轉眼  
不知空性命所居不可謂之聰明也努力向前珍重珍重  
嗣清安仁人幼出家貴溪松林寺有戒行孝宗召對便殿  
賜號惠禪師住持雲寶山名滿方外

可付再興寺僧餘干李梅人姓章頎然而長犀骨突起喉  
毫長二尺聲出壓萬人嘗病疥或請之治笑而不答元  
至元間廬山李文煥與偕入朝世祖召見對稱旨授護

饒州府志

卷之三十三

釋

三十

法禪師賜玉環袈裟歸妙果寺將圓寂預數日與衆別  
約日跏趺而化茶毘時觀者萬人煙氣所至木葉土壤  
皆結舍利子

可傳號正翁再興寺僧頎長頂上犀骨隆起喉下有毫長  
二尺許洪聲博覽儒釋諸書善詩文書法至元間遊廬  
山呂文煥延至其家與之入京元世祖召見便殿問以  
佛法答以仁義治政之道世祖曰僧中龍也受賜白玉  
環瓶鉢金帛住饒之薦福寺再住南康之雲居寺踰年  
歸老妙果寺一口預與衆訣跌化

普映德興長居院高僧通究釋典尤精岐黃術元武帝取  
爲太醫除授僧錄司官在朝十二年

天然安仁人出家花果寺有禪行跌坐而化其徒以缸覆  
藏塔中後祖之髮生出缸外每歲其娣剪去復生一日  
娣囑曰我老矣髮勿復生後果如其囑

紹睿古餘干大慈寺僧號思菴少敏受學時嘗讀佛書人  
問之曰能言其心又嘗讀儒書人問之曰能言其氣及  
長偈頌詩文援筆立就元延祐間隨師玉厓振至廬山  
臨川吳澄見而異之後往南康圓通演教海內叅學甚

饒州府志

卷之三十三

釋

三十一

衆

德興拳衡燒香院高僧通釋典善醫藥聞人有疾必救之  
投劑無不効至治三年皇后疾拳衡獻藥有功賜號忠  
順醫師領五省採藥使

至仁字行中號熙怡叟又號澹居子番人年十八爲徑山  
書記出家蘄之德章避兵浙東住紹興之雲頂繼遷崇  
報工詩文太史虞文靖稱其文醇正雄簡有史筆宗門  
之子長也所著有澹居藁

太虛和尚名紹郭或曰樂平人性高邁通內典好吟咏縱

遊三十年歸住永寧寺士大夫咸禮之素戒飲一日呼  
酒大酣取繪像題曰這箇老僧有甚巴鼻醜貌稜魯開  
眼嗑睡須知父母未生前本來面目在何處書畢已假  
寐而化壽八十三時洪武辛巳年

杞楚材名似杞從釋教博覽儒書好吟咏洪武間常赴召  
游金陵回居番永福寺後不疾而化所著有瞻雲集若  
千卷宋濂爲之序劉彥昂稱其寄跡緇流不縛禪律涉  
臘書史詩思尤工云

雪峯安仁人幼出家五峯寺有禪行善詩札住持南京報

饒州府志

卷之三十三

釋

三十二

恩寺隨寓留題凡請召能運木毬以致之

饒州府志卷之三十三終